

**ԲՆԱԴԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄԻՆ****Ո Ր Ո Շ ՈՒ Մ № 02/54****վարչական տույժ նշանակելու մասին**

08 սեպտեմբեր 2023 թվականի

քաղաք Էջմիածին

Բնապահպանության և ընդերքի տեսչական մարմնի (այսուհետ՝ Տեսչական մարմին) Արմավիրի տարածքային բաժնի պետի պարտականությունները ժամանակավորապես կատարող՝ Հայկ Հուսիկյանս քննության առնելով Վահան Միհրանի Վահանյանի (անձնագիր՝ AR0457940, տրված՝ 15.09.2017թ., հասցե՝ ՀՀ ք. Երևան, Մալաթիա-Սեբաստիա, Շահումյան 7-րդ փողոց 1-ին նրբ 27 տուն) նկատմամբ հարուցված վարչական իրավախախտման վերաբերյալ գործի նյութերը,

Պ Ա Ր Զ Ե Ց Ի

Գևորգ Սարիբեկի Մկրտչյանի կողմից 2023 թվականի օգոստոսի 14-ին Ֆեյսբուք սոցիալական ցանցի միջոցով ստացվել է բողոք այն մասին, որ ՀՀ Արմավիրի մարզի Էջմիածին քաղաքի Չարենց թաղամասի 585 հասցեում գտնվող առանձնատան պարսպի սալիկների հղկման աշխատանքներ կատարելիս առաջացրել են փոշու արտանետումներ:

Ստացված բողոքի շրջանակներում՝ 2023 թվականի օգոստոսի 14-ին ՀՀ Արմավիրի մարզի Էջմիածին քաղաքի Չարենց թաղամասի 585 հասցեում գտնվող առանձնատան տարածքում իրականացվել է զննում, ինչի արդյունքում պարզվել է, որ Վահան Միհրանի Վահանյանը պարսպի սալիկների հղկման աշխատանքներ կատարելիս չի օգտագործել փոշու արտանետումը բացառող սարքեր և տեխնոլոգիաներ, ինչով խախտել է «Մթնոլորտային օդի պահպանության մասին» ՀՀ օրենքի 11-րդ հոդվածի 2-րդ մասի 5-րդ կետի պահանջը: Տեսչական մարմնի Արմավիրի տարածքային բաժնի գլխավոր



պետական տեսուչ՝ Հայկ Հուսիկյանի կողմից 2023 թվականի օգոստոսի 14-ին կազմվել է վարչական իրավախախտման վերաբերյալ թիվ 02/27 արձանագրությունը:

Վերը նշված վարչական իրավախախտման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 81.1-րդ հոդվածի 1-ին մասով, այն է՝ «Հայաստանի Հանրապետության տարածքում կառուցվող (վերակառուցվող, քանդվող) օբյեկտների շինարարության ընթացքում մթնոլորտային օդի պահպանման պահանջները չկատարելը՝ փոշու արտանետումների կանխարգելման համար շինարարական հրապարակները չպարսպապատելը կամ շինությունները շինարարությանը համապատասխան բարձրությամբ անթափանց թաղանթով չծածկելը կամ օդի դրական ջերմաստիճանի դեպքում շինարարական հրապարակը օրվա ընթացքում պարբերաբար չջրելը (խոնավ չպահելը) կամ հղկման աշխատանքներ իրականացնելիս փոշու արտանետումները բացառող սարքեր, տեխնոլոգիաներ չօգտագործելը կամ ավազը, ցեմենտը, գաջը, խիճը, այլ սորուն նյութերը, հողային զանգվածները, ինչպես նաև շինարարական աղբը փակ տարածքներում չպահեստավորելը կամ անթափանց թաղանթով չծածկելը կամ շինարարական հրապարակից դուրս եկող ավտոմեքենաների անվադողերը չլվանալը՝ առաջացնում է տուգանքի նշանակում ֆիզիկական (այդ թվում՝ ձեռնարկատիրական գործունեությամբ զբաղվող) անձանց նկատմամբ՝ սահմանված նվազագույն աշխատավարձի հիսնապատիկի, իսկ իրավաբանական անձանց նկատմամբ՝ սահմանված նվազագույն աշխատավարձի հարյուրհիսնապատիկի չափով»:

Վարչական իրավախախտման վերաբերյալ գործի շրջանակներում ձեռք բերված ապացույցներով հիմնավորվել է, որ վերը նշված իրավախախտման համար պատասխանատու անձ է հանդիսանում Վահան Միհրանի Վահանյանը:


Վահան Միհրանի Վահանյանը պատշաճ ծանուցվել է վարչական իրավախախտման վերաբերյալ՝ գործի քննության տեղի և ժամանակի մասին, սակայն չի ներկայացել գործի քննությանը, առարկություններ և գործի քննությունը հետաձգելու վերաբերյալ միջնորդություն չի ներկայացրել:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 81.1-րդ հոդվածի 1-ին մասի, 242-րդ հոդվածի, 281-րդ հոդվածի և 282-րդ հոդվածի պահանջներով՝

Ո Ր Ո Շ Ե Ց Ի

1. Վահան Միհրանի Վահանյանի նկատմամբ նշանակել վարչական տուգանք՝ սահմանված նվազագույն աշխատավարձի հիսնապատիկի չափով՝ 50.000 (հիսուն հազար) Հայաստանի Հանրապետության դրամ:
2. Սույն որոշումն օրինական ուժի մեջ է մտնում Վահան Միհրանի Վահանյանին հանձնելուն (հանձնված համարվելուն) հաջորդող օրվանից:
3. Սույն որոշումը կարող է բողոքարկվել վերադասության կարգով տեսչական մարմնի ղեկավարին որոշումը հանձնելու (հանձնված համարվելու) օրվանից հետո՝ 30-օրյա ժամկետում կամ դատական կարգով՝ երկամսյա ժամկետում:
4. Որոշման օրինական ուժի մեջ մտնելու պահից երկամսյա ժամկետում վերջինս չբողոքարկվելու դեպքում այն դառնում է անբողոքարկելի և ենթակա է հարկադիր կատարման:
5. Սույն որոշմամբ սահմանված տուգանքը վճարել Հայաստանի Հանրապետության պետական բյուջե՝ 900005024063 հաշվին:

Արմավիրի տարածքային բաժնի
պետի պարտականությունները
ժամանակավորապես կատարող



Հ. Հուսիկյան